

MINISIRIW KA NAMOGSOBA

BURUKINA FASO
Kelenya - Nataga - Tilenniya

GUVÈRENEMAN KA KUMALASELA

MINISIRIW KA NONGONYE KUMALASESÈBÈ

(PP-G/TRANS N°009-2024)

Irimutaliba Zan Emanuweli WEDIRAWOGO

Wagadugu, Saan 2024, funtenikalo tile 13

Minisiriw ka lɔgɔkun nɔgɔnye sigira Wagadugu,
arabalon tile 13, saan 2024 Funtenikalo ra,
a daminana lɛeri 9 tuma na, ka laban lɛeri 14 ni
miniti 16 wagati ra, ni Kapitɛni Iburayimu
TARAWORE ka nɔmɔgɔya ye, Jamana ka
Makɔnɔperesidan, Minisiriw ka nɔgɔnye nɔmɔgɔ.
Sɛbɛkulu minw sɛbenna nɔgɔnye sigikun kɔnɔ, o
y'olu sɛgesɛge ka latigɛliw ta. Nɔgɔnyekulu ye
dalakunnafoniw di fana, a ye baara nɔmɔgɔya dɔw
didi ka sɔrɔ ka sira di jamana kɔkan
lasigidenyabaara dɔw kɛli ma.

I. LATIGELIW TALI

I.1. GUVERENEMAN KA BAARAKUNDA, NI JAMA LATANGALI MINISIRISO TŌGŌ RA,

Jŋgŋnyekulu sŋnna **kolaseseɓe saba (03)**
ra.

Kolaseseɓe fɔlɔ nasinna **sariyaba bololanin** ma, min bi yelemali don saan 2019, sumanladonkalo tile 15 ka sariyaba n°2019-1111/PRES/PM/MFPTPS/MINEFID ra, o min tun tara ka nasin Guvereneman ka minisirisow ni jŋgŋn cɛ ka baara janatŋmŋninw tŋgŋtaseɓe (IRIME) ma.

Guvereneman ka minisirisow ni jŋgŋn cɛ ka baara janatŋmŋninw tŋgŋtaseɓe sigisariya bŋra saan 2015, sumanladonkalo tile 24 ka sariya n°081/CNT ra, min nasinnin bi Guvereneman ka baarakunda lŋyŋrŋba ma. IRIME kaan bi baarakulu ma, min bi baarasugu dŋw lajen o ni jŋgŋn cɛ bari, o ka baarakefɛere ye kelen ye, o ka baaraketa fanbaw fana ye kelen ye k'a ke, baarakese makŋnŋninw bi bŋ jŋgŋn ma walima o bi ke kelen ye.

N'o ye sisan ka gwɛɛyaw file ka taga dugukolo lasagolikow faan fe, saan 2019 ka sariyaba min nasinnin bi IRIME ma, o lakurayali ka magwenta ye, ka baarakuraw basigi dugukolow lasagolibaarakulu kŋnŋ. O baarakura nunu ye:

- dugukolo lasagolifɛere lŋnbaga ;
- dugukolo lasagolifɛere lŋnbagaba ;
- dugukolo lasagolifɛere ensipekiteri.

Sariyaba nin tali bina ke sababu ye, ka dugukolo lasagolibaarakuluw jati mina Guvereneman ka minisirisow ni jŋgŋn cɛ ka baara janatŋmŋninw tŋgŋtaseɓe kŋnŋ.

Kolaseseɓe filanan ye siradisɛɓe jŋnjŋn ye, min bi sira di jango Guvereneman ka jŋgŋndanbaara kerenkerenninw laben walisa ka dŋgŋtŋrŋjanaw ta baara ra, minw bina mŋgŋkŋrŋbaw wopere walima, minw bina denmisenw wopere, n'o ka baarakalan bina ke saan 2024 ni saan 2025 kŋnŋ.

Dɔgɔtɔrɔŋana minw bina mɔgɔkɔrɔbaw wopere ani dɔgɔtɔrɔŋana minw bina denmisenw wopere, sebgaya bina ke olu fe ka banabagatɔw ka bana caaman furake i n'a fɔ, farikolo ka fiŋew n'a jogiliw, jegeneminanw ni bangeminanw, musow ka bangeminanw n'o ka denwolokow, jinsogo (tagaju) ni jada wopereli, jolisiraw ni disi wopereli ani farikononaminanw wopereli.

O dɔgɔtɔrɔŋana nunu tali baara ra, o bina ke sababu ye ka do bo dɔgɔtɔrɔŋanaw tanya ra ka taga mɔgɔkɔrɔbaw ni denmisenw wopereli faan fe Burukina Faso dɔgɔtɔrɔsobaw ra ani ka banabagatɔw wopereli jaya lafisaya.

Jɔgɔnyekulu sɔnna jango saan 2024 ra, **mɔgɔkɔrɔbaw woperelaŋana 30 ni denmisenw woperelaŋana 20** ka ta baara ra ani **mɔgɔkɔrɔbaw woperelaŋana 30 ni denmisenw woperelaŋana 20** ka ta baara ra saan 2025 ra.

Kolasesebe sabanan jasinna siradisebe ma, min bina ke sababu ye, Guvereneman bi se ka jɔgɔndanbaaraw laben walisa ka mɔgɔw ta baara ra saan 2024 kɔnɔ.

O baarakelaw tali ni jɔgɔndanbaaraw keli ye, b'a lapini ka makoya jɔnjɔnw janabo ka taga baarakelaw deseli faan fe minisirisow ni baaradabaw ra, walisa o ka se k'o ka foroba baaraketaw ke ka ja.

Jɔgɔnyekulu sɔnna jango baarakela **5 364** ka ta Guvereneman baaradaw ra jɔgɔndanbaaraw keli kɔ, saan 2024 ra.

I.2. SOROW, NAFOLOW NI SINJNASIGI YIRIWALISIRAW SEGESEGELI MINISIRISO TɔGɔ RA,

Jɔgɔnyekulu sɔnna **sariyaba saba (03)** ra.

Sariyaba fɔlɔ bi sira di jang'o ka sɔn Guvereneman ka baaradaw segesegeli mabenw kiimeli kunsinnan na Burukina Faso.

Baarakenafolo baarabololanin waleyali sababu fε, yelemaliba donna segesegeli la jɔnjɔn na, a nasinna warisaralaw ma, walisa o ka se k'o ka nafolobaaraw ke ka tugu o ka sebayaw ko. Yelemali filanan ka kan ka ke ka tugu baarada konona ni lasagoli segesegeli naya ko, min bilala senkan baarakenafolo baarabololaninw na ani /walima, o waleyayorow ra.

O kunsinnan nin labenna ka tugu dunupajamanaw ni jɔgɔn ce ka bensaratiw n'o ka kewalepumanw ko ka taga baaradaw kononasegesegeli mabenw faan fε, a bi kiimelicogo daganin labennikopuman basigi min ka kan ka se ka segesegeli yelemali filanan waleyali bila senkan.

O **sariyaba** nin tali bina ke sababu ye, Burukina Faso ka maralibaaradaw kononasegesegeli baarakelaw bi segesegeli mabenw kiimeli kunsinnan sorɔ.

Sariyaba filanan nasinna mogo saba (03) sugandili ma, minw bina baara ke Burukina Faso ka warimaraw ni nafolokundonw kesi (SEDEYI BEYEFU) ra, nga kesi baarakelaw te.

O sariyaba b'a lapini ka saan 2023, samipaladonkalo tile 05 ka sariya n°049-2023/ALT waleyali, o min tara ka nasin Burukina Faso ka warimaraw ni nafolokundonw kesi basigili, a labencogo, a ka baaraketaw n'a ka baarakecogo ma.

O sariyaba nin tali bina ke sababu ye ka mogo gwansan saba (03) sugandi, minw bina baara ke Burukina Faso ka warimaraw ni nafolokundonw kesi korosilikulu konɔ, ka ben saan 2023, samipaladonkalo tile 05 ka sariya n°049-2023/ALT ka mabenw ma, olu minw nasinnin bi Burukina Faso ka warimaraw ni nafolokundonw kesi basigili, a labencogo, a ka baaraketaw n'a ka baarakecogo ma.

Sariyaba sabanan jasinna mɔgɔ seegi (08) sugandili ma, minw bina baara ke Burukina Faso ka warimaraw ni nafolokundonw kesi (SEDEYI BEYEFU) kɔrɔsilikulu ra.

O sariyaba nin tali bina ke sababu ye ka mɔgɔ seegi (08) sugandi, minw bina baara ke Burukina Faso ka warimaraw ni nafolokundonw kesi kɔrɔsilikulu kɔnɔ, ka bɛn saan 2023, samijaladonkalo tile 05 ka sariya n°049-2023/ALT ka mabenw ma, olu minw jasinin bi Burukina Faso ka warimaraw ni nafolokundonw kesi basigili, a labencogo, a ka baarakɛtaw n'a ka baarakɛcogo ma.

I.3. KITITIGƐ NI ADAMADENJOW KA MINISIRISO, MIN BI BAARAKƐNɔGɔNYAW BASIGI NI BAARADABAW YE, JAMANA MASIRIW N'A DASIRIKAN KɔRɔSIBAGA TɔGɔ RA,

Jɔgɔnyekulu sɔnna **kolasesɛbɛ fila (02)** ra.

Kolasesɛbɛ fɔlɔ ye **sariya bololanin** ye, min bi yelemali don saan 2015, ɔɔɔɔkalo tile 25 ka sariyasunba dafasariya n°050-2015/CNT ra, o min tun tara ka jasin kititigɛlaw lɔyɔrɔ ma.

O sariya bololanin ka magwenta ye, ka yelemali donninw jati mina sariyasunba lakurayali la, min kɛra saan 2023, sanlabankalo tile 30 ka jasin kititigɛlaw lɔyɔrɔ ma.

Lakurayalibaw jasinna koo nataw ma:

- maralibaaradaw bɛɛ ka baarakɛlaw bi se ka tali ke kititigɛlaw ka jɔgɔndanbaara ra, ni sariyakalan seereyasebe metirizi walima Masiteri II b'o fɛ, Farafinna ni Madagasikari ka sanfekalan baarakulu (KAMESI) ye min yamaruya walima seereyasebe were yamaruyanin, nga o ka kan ka tugu koo damaninw kɔ, jɔnjɔn na sanda ni baara mɛwagati ;

- kititigelaw niin b'oli kititigeyoro jonjonw ra, minw b'o ka baara mewagati dansigi ;

- negilibaaradaw ka baarakese walisa ka kititigelaw ka baara sariyasun n'o ka kewalenumanw labatobaliya lon ;
- kititige baaradabaw, kitibololabanw, baarakelaw ka kitibololaban namogoba folow ka baara keli kuntagajanya dansigili saan duuru (05);
- kititigesow ka lafijewagati boli kalo saba (03) ra k'a dan kalo fila (02) o cogo kelen na, kititigelaw ka saan kelen lafijewagati bora tile bii saba (30) ra ka to tile bii naani ni duuru (45).

O lakurayalibaara bina ke sababu ye ka Burukina jamanadenw ka lapinitaw jaabi ka taga kititigeke faan fe ani ka baarakecogo kuraman don kititigekunda kono.

Nogonyekulu sonna walisa **sariya bololanin** ka bila ka taga makono depitebulon na jang'o k'a segesege.

Kolasesebe filanan ye sariya bololanin ye, min bi saan 2015, coccokalo tile 25 ka sariyasunba dafasariya n°049-2015/CNT lakuraya, o min tun tara ka nasin kititigelaw ka namogokulu baarada (SEYSEMU) labenni, a ka ketaw, a labencogo n'a ka baarakecogo ma.

O lakurayali b'a lapini ka kokuraw jati mina, minw donna sariyasunba lakurayali kono saan 2023, sanlabankalo tile 30 ka taga kititigelaw ka namogokulu baarada faan fe, o min ye kititigelaw ka baara lasagolibaarada ye.

Lakurayalibaw donna koo nataw ra :

- kititigelaw ka namogokulu baarada labencogo, min na kulumogow tilance ti kititigelaw ye, i n'a fo sariyasunba y'a nasigi cogoya min na;
- SEYSEMU kulumogow le b'a namogo sugandi ;
- ni SEYSEMU kulumogo dow bi baarakelaw ka lafasaliton walima kititigelaw ka jenkuu do ra, walima n'o bi politikiton do namogow cema , o ka kan k'o gwen ka bo SEYSEMU ra;

- jiginnabenkunda ka kititigelaw bi sugandi ka tugu kititige minisiri ka sulali kɔ.

O sariya nin lakurayali sababu fɛ, o bina se ka baara kɛ ka bɛn sariyasunba ka fɔtaw ma ani ka baara kɛ cogoyakura ra walisa ka hɔrɔnya kititige damakananin basigi lannaya bi min na.

Nɔgɔnyekulu sɔnna walisa **sariya bololanin** ka bila ka taga makɔnɔ depitebulɔn na jang'o k'a sɛgɛsɛgɛ.

I.4. MINISIRISO MIN KA BAARAW NASINNA KUNNAFOLIJENSE, LONKO NI KORLENKO (LANDAKO), SEKOYIRABAARA NI NADENLOGOLO MA TOGO RA,

Nɔgɔnyekulu sɔnna **kolasesɛbɛ kelen na**, min nasinnin bi **kunnafolijense, lonko ni korlenko (landako), sekoyirabaara ni padenlogolo Minisiriso** ka saan 2024 ka baarabololanin jɔnjɔn ma.

O baarabololanin nunu ye tan ni saba (13) ye, o b'a lapini ka saan 2023, cɔcɔkalo tile 09 sariyaba n°2023-0966/PRES-TRANS/PM/MEFP ka mabenw waleya, olu minw nasinna Guvereneman ka baarafeeretaw dili ma jango ka baarabololanin jɔnjɔn nunu kɛ.

Nɔgɔnyekulu sɔnna walisa o baarabololanin jɔnjɔn nunu ka waleya saan 2024 kɔnɔ.

Baarabololanin nunu waleyali musaka mumɛ ye, ka tugu waribɔyɔrɔ nataw kɔ :

I.5. MINISIRISO MIN KA BAARAW NASINNA SIGIYORO N'A LAMINI LADONCOGO, JII NI YORO SANIYALI MA TOGO RA,

Nɔgɔnyekulu sɔnna **sariyaba kelen** na, min nasinna jamana ka neemayacogo sumali, a ka kunnafoni jenseli n'a kɔrɔsili feereɗuman «EMUYERIVE/BEYEFU» bilali senkan ma.

Burukina Faso, y'a niin don yiriwali kuntagajan baaraw ra, o le kanma, a jijanin bi neemayacogo yeleyeɓmacogo ka nɔfekojuw keɓeli la bari, a sɔnna k'a bolonɔ bila dunɔɓajamanaw ka kelenyatɔn (Nasiyɔn zini) ka saratisebɛgwɛɓen kan, min nasinnin bi neemayacogo yeleyeɓmacogo (SESEYEISESE) ma ani benkan kan, min sɔrɔra Pari neemayacogo kan.

O saratisebɛgwɛɓen n'a ka masalabolo waleyataw bi jamana nindonninw wajibiya ka kolasesɛbe laben wagati dansiginin na jango k'o ka baarakeninw yira. O le kanma, jamana ka neemayacogo sumali, a ka kunnafoni jenseli n'a kɔrɔsili feereɗuman labenna walisa ka jamanaw ka jataga kɔrɔsi ka taga feere taninw bee faan fe minw bina layuru nunu waleya janaman.

O sariyaba b'a lapini ka neemayacogo lasagolibaarada basigi jamana kɔnɔ walisa, an ka jamana ka se k'a ka layuru taninw labato ka taga neemayacogo yeleyeɓmacogo keɓeli faan fe ani ka baarakenafolo sɔrɔ walisa ka se k'a ka gweleyaw janabo.

Sariyaba nin tali sababu fe, Burukina Faso bina se ka sariyasun laben ka nasin neemayacogo lasagolibaarada ma ni jamana ka neemayacogo sumali, a ka kunnafoni jenseli n'a kɔrɔsili feereɗuman bilali ye senkan.

II. DALAKUNNAFONIW

II.1. Minisiriba, Guvereneman ka Baarakunda ni Jama latangali Minisiri ye kunnafoni do di Nɔgɔnyekulu ma, ka taga Burukina Faso sendonni faan fe Farafinna ni Sini Jamanaw maracogo nɔgɔnyeba ra, min bina damine saan 2024 Funtenikalo tile 19 ka taga se tile 24 ma Bejingi, Sini Jamana na.

Farafinna ka baarakalanso ni jinini maraliw yiriwali baarada (KAFIRADI) le ye nin nɔgɔnyeba nin laben ni Sini jamana Guvereneman ani kenyerɛye baarada min tɔgo ye Afirika Mulatako holidingi ka baarakeɔnɔnya ye.

Nɔgɔnyeba sigira nin kumasen nin kan: « **Marali yeɓmacogo ani jamanadenw ka panamaya kecogo kɔɔtanin: o bi se ka maraliko ke feen ye cogo di walisa, a ka ben kosɔbe Farafinna jamanaw ka sɔrɔko ni adamadenya seko yiriwali ma ?** ».

Nin nɔgɔnyeba nin kuun ye, ka sira di Farafinna jamana latigelitabagaw ma, minw ye KAFIRADI tondenw ye ani minw t'o cema, jang'o ka feere w ni feerekuraw jatimine ani k'o laben ka keje walisa ka maralikoɔnuman sabati fana.

II.2. Sɔrɔw, nafolow ni sinipasigi yiriwalisiraw segeɓegeli minisiri ye kunnafoni di Nɔgɔnyekulu ma ka taga saan 2023 ka se saan 2027 ma, sɔrɔko ni wariko baarabololanin segeɓegeli folo labenni faan fe, min ye deme sɔrɔ ka bo dunupa wariko tɔnba (EFEMI) ka jurudon nɔgoman jenseli jenkuluba fe n'a kera Foonenkalo tile 26 ka tag'a bila Funtenikalo tile 7 ma Wagadugu.

O saan 2023 ka se saan 2027 ma, sɔrɔko ni wariko baarabololanin segeɓegeli folo nin kera sababu ye ka sɔrɔ baarakecogo (nafolokun) jatimine (kiime) ka nasin lapiniw ma, minw maranin be baarabololanin kofonin nin hukumu konɔ. O tun ye, faan do fe, ka sigida dantigeliw n'o hake jatiminew waleyali cogoya segeɓege, ani faan were fe, ka sɔrɔko cogoya lafisayali jatimine saan 2023 sanlabankalo ra, baaraketa nataw bina ke saan 2024 Funtenikalo laban na ani baaraketa jatiminew, saan 2024 tɔɔ ra ka fara baara nasigininw kan, wagatisurun ni wagati makepenin konɔ.

Nin saan 2023 ka se saan 2027 ma, sɔrɔko ni wariko baarabololanin nin ka lapini ye ka baarakenafolo yɔrɔ bila senkan musaka fɔlɔw kenin ani juru gweleyaw dɔgɔyali kanma. A ka lapini ye fana ka fanga di mɔgɔw ma, minw bi se ka sigenw kunben ka sɔrɔ ka dɔ bɔ fangatanya ni benbaliya ra. A bi tali ke fana baarakenafolo tilenniya sabatili, marali ani warisɔrɔcogo dagabali keɛɛli ani nintɔrɔwale wari dili la.

A bi ben sigida mɔgɔw ka layuru taninw ma, Burukina Faso ye minw ta, kerɛnkerɛn na, ka baarakenafolo dese dɔgɔya fɔɔ ka se hake ma min bi ben, ka sɔrɔ ka musakagwelenw mara sigida baarakelaw ni foroba nafolokundon fɔlɔw kanma.

Saan 2023 ka se saan 2027 ma, sɔrɔko ni wariko baarabololanin, min musaka hake bi ben miliyɔn 228 ni murumuru 76 ma sebe jɔnjɔnw bɔnin Sariyasira ra (DETEYESI) , ni Sefawari miliyari 187 jɔgɔn (Amerika wari miliyɔn 302) kera fɔkabɛn ye Burukina Faso ni dunuɓa wariko tɔnba ce. EFEMI jamɔgɔso sonn'a ra saan 2023 sumanladonkalo tile 21.

II.3. Kenya ni Forobasaniyali Minisiri ye kunnafoni dɔ di Nɔgɔnyekulu ma, min nasinna sikaneriw, jaa min bi ke ni kuran mankan ye (IYEREMU) ani jolisaniya (diyalizi) fakitiri sɔngɔkuraw dakeɓeli ma Burukina Faso ka foroba dɔgɔtɔrɔsow ra.

Sikaneriw ni jaa min bi ke ni kuran mankan ye (IYEREMU), ye farikolosegesegeli kerɛnkerɛnninw ye, minw bi banabagatɔw ladon foroba dɔgɔtɔrɔsow ra Burukina Faso. Jolisaniya (diyalizi) fana ye furakeli dɔ ye, min bi fura di banabagatɔw ma, minw ka jegenɛbana basiginin lo walima a juguyaninba lo.

Sikaneri, IYEREMU ani jolisaniya (diyalizi) keli fakitiriw songo ka ca minke, Burukina jamanaden caaman niin bonin b'o baara nunu na foroba dogotorsow ra, wariko gweleya koson.

Jamanakuntigi ka janiya ye, ka furakeli ni furakeyow soroli nogoya Burukina jamanadenw bee fe, o loyoro cogoya mana ke min o min ye adamadenya ra. Ka kepe ni nin janiya nin ye, Makono Guverenema y'a latige ka sikaneri, IYEREMU ni jolisaniya (diyalizi) keli songow jigi kosobe.

O ra:

- sikaneri songokura demenin ye waga 5 ye Sefawari ra, n'o ye 50 dogoyali ye kemelasara ra (50%) n'i y'a suma ni deme songo koroman ye min tun ye waga 10 ye Sefawari ra. O songo nin bi ke kelen ye yoro o yoro, tige yoro daa bee ra walima n'a kera ni feere sugu o sugu ye;
- IYEREMU ka deme hakekura ye waga 8 ye Sefawari ra , n'o ye 60 dogoyali ye kemelasara ra (60%) n'i y' a suma ni deme hake koroman ye min tun ye waga 20 ye Sefawari ra. O songo nin bi ke kelen ye yoro o yoro, tige yoro daa bee ra walima n'a kera ni feere sugu o sugu ye;
- deme hakekura min bi di janamaya kono diyalizi keli la ye 0 (fu) ye Sefawari ra, o koro ye ko 100 dogoyara fao a daan na (100%) n'i y'a suma ni deme hake koroman ye, min tun ye waga 100 ye Sefawari ra;
- diyalizi wagati deme songokura ye keme 5 ye Sefawari ra, n'o ye 80 dogoyali ye kemelasara ra (80%) n'i y'a suma ni deme songo koroman ye, min tun ye waga 3 ye Sefawari ra.

Nin songokura min bilala senkan foroba dogotorsow bee kono Burukina Faso, a baara bina damine saan 2024 Funtenibakalo ra.

III. BAARAW NAMOGJOYA DILI

III.1. YERĒKUNBAARAW NAMŌGŌYA DILI

A. DUGUKOLO MARALI, FANGATILAN NI LATANGALI MINISIRISO TOGŌ RA,

- An balimance Bukare **WEDIRAWOGO, Matirikili 23 047 V**, Polisikuluba ka komiseri, kilasi 3nan, eselon 3nan, a kera Baaradaw ka baarakesira segesegelikela ye ;
- An balimance Kofi Alekisi **HIYĒNI, Matirikili 22 836 G**, Polisikuluba ka komiseri, kategori 1lo, kilasi 3nan, eselon 3nan, a kera Baaradaw ka baarakesira segesegelikela ye ;
- An balimance Emili **KABIRE, Matirikili 24 576 X**, Polisikuluba ka komiseri, kategori 1lo, giradi 3nan, eselon 1lo, a kera Baaradaw ka baarakesira segesegelikela ye ;
- An balimance Bazanbuwe **BADO, Matirikili 46 686 T**, Polisi komiseri jonjon, kategori 1lo, kilasi 2nan, eselon 1lo, a kera Baaradaw ka baarakesira segesegelikela ye ;
- An balimance Budasida Oroze **TARIBAGIDO, Matirikili 46 752 X**, Polisi komiseri jonjon, kategori 1lo, kilasi 2nan, eselon 1lo, a kera Baaradaw ka baarakesira segesegelikela ye.

B. SORŌW, NAFOLŌW NI SININASIGI YIRIWALISIRAW SEGESEGĒLI MINISIRISO TOGŌ RA,

- An balimanmuso zani **TOWE, DIJI** ka furumusɔ **Matirikili 29 778 W**, Lanpow lasagoli ensipekiteri, kilasi 1lo, eselon 9nan, a kera lanpobaaradaw ka baarakesira segesegelikela ye;
- An balimanmuso Fati **BAGAYOGO, TAMINI** ka furumusɔ, **Matirikili 37 256 K**, Lanpow lasagoli ensipekiteri, kilasi 1lo, eselon 10nan, a kera Waga IV santiri ka lanpow lasagolibaarada namogɔ ye;

- An balimance Musa **SANU, Matirikili 56 730 A**, Lanpow lasagoli ensipekiteri, kilasi 11o, eselon 11nan, a kera Waga VI santiri ka lanpow lasagolibaarada jamogo ye ;
- An balimance Piyeri **ZIDA, Matirikili 35 916 E**, Lanpow lasagoli ensipekiteri, kilasi 11o, eselon 10nan, a kera Waga VIII santiri ka lanpow lasagolibaarada jamogo ye;
- An balimance Sanle Patirisi **SORI, Matirikili 216 205 A**, Lanpow lasagoli ensipekiteri, kilasi 11o, eselon 7nan, a kera Bobo I santiri ka lanpow lasagolibaarada jamogo ye;
- An balimance Yakuba **BADO, Matirikili 119 325 L**, Lanpow lasagoli ensipekiteri, kilasi 11o, eselon 8nan, a kera Kubiri kubeda santiri ka lanpow lasagolibaarada jamogo ye ;
- An balimance Anasitazi **PAKODE, Matirikili 96 901 Z**, Lanpow lasagoli ensipekiteri, kilasi 11o, eselon 9nan, a kera Tangen Dasuri santiri ka lanpow lasagolibaarada jamogo ye ;
- An balimance Sana Furansuwa **DEGITUMUDA, Matirikili 245 161 T**, Lanpow lasagoli ensipekiteri, kilasi 11o, eselon 5nan, a kera Pabire kubeda santiri ka lanpow lasagolibaarada jamogo ye ;
- An balimance Hamidu **MAYIGA, Matirikili 334 245 K**, Nafolobaaraw lasagola, kilasi 11o, eselon 3nan, a kera baarakeminan jatilikelaba ye Jamana ka Ladagamuli, Balikukalan ni Siyakanw sabatili minisiriso ra.

Mogo nata minw togo sebennin bi duguma, olu sugandira ka ke Burukina Faso ka warimaraw ni nafolokundonw kesi korosilikulu mogow ye, minw ti kesi baarakelaw ye:

- An balimance Kunbelara Inosan **HIYENI**, nafolow sensenla ;
- An balimance Seki **SAWADOGO**, warilasagola ;
- An balimance Tusiwende Zusiten **WADEBA**, baarada yere ka segesegelikela.

Mɔgɔ nata minw tɔgɔ sɛbennin bi dugu ma, olu sugandira ka kɛ Burukina Faso ka warimaraw ni nafolokundonw kɛsi kɔrɔsilikulu mɔgɔw ye:

Faso pamɔgɔso tɔgɔ ra :

- An balimance Zan Abeli **TARAWORE, Matirikili 333 983 R**, Lakɔlidenbaw ka kalanfa lɔnnipinila, kategori P, kilasi 3nan, eselɔn 1lɔ.

Sɔrɔw, nafolow ni sinipasigi yiriwalisiraw sɛgɛsɛgɛli minisiriso tɔgɔ ra:

- An balimanmuso Edivizi Mari Evelini **YAMEWOGO, Matirikili 56 710 D**, Nafolo lasagoli ensipekiteri, kilasi 1lɔ, eselɔn 12nan;
- An balimance Filipu **ZANE, Matirikili 96 919 B**, Nafolobaaraw lasagola, kilasi 1lɔ, eselɔn 10nan.

Baara paya kɔrɔsilikulu tɔgɔ ra :

- An balimance Eremɔn Birino **BAMUNI, Matirikili 52 199 S**, Nafolobondo ni forobawarijati pamɔgɔba ;
- An balimance Yasenti **TAMALIGO, Matirikili 59 896 G**, Guvereneman ka baarakelaw ka eretiretikesi (KARIFO) pamɔgɔba;
- An balimance Nabɔnsiwende Yakuba Erimani **NAKANBO, Matirikili 130 484 P**, Jamana ka jama latangali kɛsi (SENSESSESI) pamɔgɔba;
- An balimance Ibirayimu **SABA, Matirikili 32 99**, Burukina ka Lapɔsi pamɔgɔba.

C. KENɛYA NI FOROBASANIYALI MINISIRISO TOGɔ RA,

- An balimance Kuwesiyande Zozefu **SUBɛYIGA, Matirikili 119 724 M**, dɔgɔtɔrɔŋana min bi banayɛlemataw kalan ani k'o sɛgɛsɛgɛ, kategori U1, eselɔn 7^{nan} , a kera baarakenafolo baarabololanin 056 «**foroba kenɛya**» pamɔgɔ ye, ka far'a ka baara kɔrɔman kan, min ye kenɛya ni foroba saniyali pamɔgɔbaya ye;

- An balimanmuso Alisi Mari Nadini **WEDIRAWOGO, Matirikili 273 051 T**, farimasijε, dɔgɔtɔrɔso faramasi lɔnbagaɲana, kategori U, kilasi 1lɔ, eselɔn 4nan, a kera dɔgɔtɔrɔso faramasi ɲamɔgɔ ye;
- An balimance Eduwari **KONPAWORE, Matirikili 41 834 S**, jamanadenw jatili lɔnbagaɲana kilasi 1lɔ, eselɔn 5nan, a kera jamanadenw jatili tagalobow ni kiimeli ɲamɔgɔ ye ;
- An balimanmuso Aminata **BUNDAWONE, NANA** ka furumuso, **Matirikili 58 195 L**, keneya baaradaw lasagola, kilasi 1lɔ, eselɔn 12nan, a kera Manga ka maraba dɔgɔtɔrɔsoba ɲamɔgɔ ye.

D. MINISIRISO MIN KA BAARAW ɲASINNA LOLIW, SIRADILANW NI DUGUW MASɔRɔLI NɔGɔYALI TɔGɔ RA,

- An balimance Mamadu **WATARA, Matirikili 52 178 U**, Nafolo lasagoli ensipekiteri, kilasi 1lɔ, eselɔn 15nan, a kera jamana ka bonlɔ ni forobabaaraw segeɲegeli baarada (ELIYENIBETEPE) ɲamɔgɔ ye;
- An balimanmuso Lori Filavi **ZOYETINANDE, BUDA** ka furumuso, **Matirikili 231 815 X**, lolibaaraw enzeniyeri, kilasi 1lɔ, eselɔn 6nan, a kera baarakefeerew segeɲegeli ɲamɔgɔ ye, baarakefeerew ka daganinya n’o segeɲegeli baarada ra.

E. JAMANA KA LADAGAMULI, BALIKUKALAN NI SIYAKANW SABATILI MINISIRISO TɔGɔ RA,

- An balimance Sidizabida Emanuweli **YAMEWOGO, Matirikili 84 859 Z**, feerekalan lisew ni koleziw profeseri yamaruyanin, kilasi 1lɔ, eselɔn 13nan, a kera Minisiri ka nɔnabila ye;
- An balimance D. Uwedan Zan-Noweli **TANABU, Matirikili 32 554 X**, lakɔlisomisew kalan ensipekiteri, kilasi 1lɔ, eselɔn 14^{nan}, a kera Lakɔli kɔkankalan ka lɔnnipinibaaraw (DIRENFU) ɲamɔgɔ ye.

- An balimance Zan **BUGUMA, Matirikili 111 115 S**, Nafolobaaraw lasagola, kilasi 11o, eselon 9nan, a kera nafolow lasagoli Namogo ye;
- An balimanmuso W. Anesi **SARANBE, Matirikili 38 375 D**, lakolisomiseww kalan ni Lakoli kokankalan ensipekiteri, a kera lakoli kokankalan baaradabolo namogo ye Lakolisomiseww ni Cemancekalan (Koleziw ni Lisew) ka feerebaarakesira yiriwali ka Baarada nasigi sekeretariya (ESIPE-PEYESIDEBEYESI) ra;
- An balimance Eli **SEYIHON, Matirikili 38 969 F**, lakolisomiseww kalan ni Lakoli kokankalan ensipekiteri, kilasi 11o, eselon 6nan, a kera Kenyereye lakolisow Namogo ye .

F. MINISIRI MIN KA BAARAW NASINNA SIRAKANTAGAMAW, DUGUBAKONO SIRAKANTAGAMA, NI SIRAKANTAGAMA LATANGALI MA TOGO RA,

- An balimance Miwinmalo Konradi **SOME, Matirikili 117 483 P**, adamadenyasiraw lonbagaana, kilasi 11o, eselon 9nan, a kera dugubakono sirakantagama namogoba ye.

G. GUVARENEMAN NI NOGONYEKULU KA SEKERETARIYABA TOGO RA,

- An balimance Kuwaku Makuwa **DA, Matirikili 111 105 F**, Nafolo lasagoli ensipekiteri, kilasi 11o, eselon 10nan, a kera Nafolow lasagoli namogo ye.

III.2. FOROBABAARAW KA NAMOGŌYA DILI

Ŋogonyekulu ye baara lasagolaw sigi baara lasagolikulu nataw kunna:

- Wagadugu ka bolifensuguw, sirakantagama cogoyaw n’o ladoncogo sanfēkalansoba (ISILO) ra, Lafasali ni sodasikōrōw ka Minisiriso tōgō ra;
- Burukina jamana ka tajiw lasagolibaarada (SONABI) ni Faso ka mugudilanyōrō (MINOFA) ra, Lizinibaaraw yiriwali, Sannifeere, bololabaara ani Kenyereyebaarada misenw n’a makapaninw Minisiriso tōgō ra;
- Guruma ka jikow lasagolibaarada (AYEZE) ni jamana ka sigiyōrō n’a lamini kiimelibaaraw baaradabolo (ANEVE) ra, sigiyōrō n’a lamini ladoncogo, jii ni yōrōsaniyali minisiriso tōgō ra.

Ŋogonyekulu ye Wagadugu ka bolifensuguw, sirakantagama cogoyaw n’o ladoncogo sanfēkalansoba (ISILO), Faso ka mugudilanyōrō (MINOFA) ni Guruma ka jikow lasagolibaarada (AYEZE) lasagolikulu namōgōw sigi fana.

A. LAFASALI NI SODASIKOROW KA MINISIRISO TOGO RA,

Nogonyekulu sonna **sariyaba fila (02)**
ra.

Sariyaba folo bi mogo nataw ke Wagadugu ka bolifensuguw, sirakantagama cogoyaw n'o ladoncogo sanfekalansoba (SILO) lasagolikulu mogo ye, o bina saan saba (03) baara folo ke Guvereneman togo ra.

LAFASALI NI SODASIKOROW KA MINISIRISO TOGO RA,

- An balimance **Yanba Woba**, Jamana ka lafasaliton ofisiye, ale sigira an balimance Antuwani Emanuweli KI noo na ;
- An balimance Bakiyene Abubakari **EMA**, Jamana ka lafasaliton ofisiye, ale sigira an balimance Isa SARE noo na

Sariyaba filanan b'an balimance Yaba **Woba**, Jamana ka lafasaliton ofisiye, ke Wagadugu ka bolifensuguw, sirakantagama cogoyaw n'o ladoncogo sanfekalansoba (SILO) lasagolikulu jamogo ye, a bina saan saba (03) baara folo ke an balimance Antuwani Emanuweli KI noo na.

B. MINISIRISO MIN KA BAARAW NASINNA LIZINIBAARAW YIRIWALI, SANNIFEERE, BOLOLABAARA ANI KENYEREYEBAARADA MISENW N'A MAKANANINW MA TOGO RA,

Nogonyekulu sonna **sariyaba saba (03)**
ra.

Sariyaba folo b'an balimanmuso Ayisa Afusatu **TURE, NABARE** ka furumus **Matirikili 216 123 K**, dugubaloli baaralombagajana, ka baara kuntagajanya lakuraya, a bina saan saba (03) laban baara ke Burukina jamana ka tajiw lasagolibaarada (SONABI) lasagolikulu kono Guvereneman togo ra, dugubaw loli

n'o ladonni, dugukolokow minisiriso togo ra, k'a ta saan saba folo baaraw bantuma na.

Sariyaba filanan b'an balimance Aburhamu **SOMUDA, Matirikili 212 611 H**, sɔrɔpinibaaraw kɔnseye, ale bina saan saba fɔlɔ baara ke Guvereneman tɔgɔ ra Faso ka mugudilanyɔrɔ (MINOFA) lasagolikulu kɔnɔ an balimance Sɔgi Kelo SOME nɔɔ na, lizinibaaraw yiriwali, Sannifeere, bololabaara ani Kenyereyebaarada misenw n'a makaɲaninw Minisiriso tɔgɔ ra.

Sariyaba sabanan b'an balimance Aburhamu **SOMUDA, Matirikili 212 611 H**, sɔrɔpinibaaraw kɔnseye, ke Faso ka mugudilanyɔrɔ (MINOFA) lasagolikulu ɲamɔgɔ ye, a bina saan saba (03) fɔlɔ baara ke an balimance Sɔgi Kelo SOME nɔɔ na.

C. MINISIRISO MIN KA BAARAW ɲASINNA SIGIYɔRɔ N'A LAMINI LADONCOGO, JII NI YɔRɔ SANIYALI MA TɔGɔ RA,

ɲɔgɔnyekulu sɔnna **sariyaba fila (02)**
ra.

Sariyaba fɔlɔ b'an balimance Aratamɔgo Evarisi **ZONGO, Matirikili 263 792 E**, dugudenninw lɔli lɔnbagaɲana, ke Guruma ka jikow lasagolibaarada (AYEZE) lasagolikulu ɲamɔgɔ ye, a bina saan saba fɔlɔ baara ke.

Sariyaba filanan bi sira di mɔgɔ nataw ma jang'o ka saan saba fɔlɔ baara ke Guvereneman tɔgɔ ra jamana ka sigiyɔrɔ n'a lamini kiimelibaaraw baaradabolo (ANEVE) lasagolikulu kɔnɔ.

Minisiriso min ka baaraw pasinna sigiyɔrɔ n'a lamini ladoncogo, jii ni yɔrɔ saniyali ma, tɔgɔ ra:

- An balimance Windugudi Zaki **BONKUNGU**, Matirikili **213 864 M**, sigiyɔrɔ n'a lamini ensipekiteri, ale sigira an balimance K. Zan Mari SURUWEMA nɔɔ na.

Minisiriso min ka baaraw pasinna sene, begenmara ni jikonɔfenw ma tɔgɔ ra:

- An balimance Umaru **WEDIRAWOGO**, Matirikili **245 261 S**, kalan ni sensenni baaraw kɔnseye, ale sigira an balimance Adama TURE nɔɔ na.



www.sig.gov.BEYEFU

Le Porte-parole du Gouvernement,



Rimalba Jean Emmanuel OUEDRAOGO

Officier de l'Ordre de l'Etaton

Guvereneman ka kumalasela,
Irimutaliba Zan Emanuweli WEDIRAWOGO
Faso ka jalatigi